



# Factum,

Pour les Abbé Religieux & Convent de l'Abbaye de Sainte Genevieve au Mont de Paris, demandeurs aux fins de l'exploit domainal du 4. Novembre 1645. & en Requête du 1. Juin 1646.

*Z. fol. 588  
ouv. 518  
(p. 15)*

*Contre les PP. Iesuites du College de Clermont de ladite ville, deffendeurs.*



Le College de Marmoutier dependant de la censue de Sainte Genevieve estant en la bien-seance des PP. Iesuites, ils ont obtenu Arrest du Conseil le 16. May 1641. par lequel sa Maiesté en a ordonné l'Vnion au College de Clermont, moyennant la somme de quatre-vingt dix mil liures, & le 26. Aoust ensuiuant, ils en ont traité avec le Principal du College de Marmoutier ayant pouuoir du General, & Religieux Benedictins qui ont consenty & accordé que les PP. Iesuites entrassent en la reelle & actuelle possession dudit College, moyennant quoy lesdits PP. Iesuites se sont obligez payer ausdits Benedictins la somme de quatre mil six cens liures de rente, à cause de ladite somme de quatre-vingt dix mille liures, iusques au parfaict rachat & amortissement de ladite rente & arrerages d'icelle.

Des lots & ventes de ladite acquisition, lesdits PP. Iesuites pretendent s'exempter & du droit d'indemnité pour plusieurs raisons, La premiere que ce n'est pas vn contract de vente, mais vn Vnion d'une chose Ecclesiastique à vne autre, l'une & l'autre de mesme vsage.

A quoy respondant, on denie que les Colleges doiuent estre reputés Ecclesiastiques, non plus que les autres domaines & heritages de l'Eglise, c'est pourquoy l'acquisition faite par les Iesuites dudit College, est vne augmentation & accroissement qu'ils ont desiré faire de leur College, mais non pas vne veritable Vnion qui ne se peut faire que par la suppression de titre d'un Benefice qu'on vnit à vn autre, en y appellant les interessez, & cet accroissement que les PP. Iesuites appellent improprement vnion, n'est pas ce qui donne ouerture à la demande des lots & ventes & droit d'indemnité, mais le contract d'achat dudit College de Marmoutier moyennant la somme de quatre-vingt dix mil liures, à l'effet d'augmenter leur College de Clermont.

Pour 2. raison lesdits PP. Iesuites soustiennent que le College de Marmoutier passant d'une main morte en vne autre, il ny a point de changement, & que le Seigneur censier n'en receuant point de preiudice, il ne luy est deu aucuns lots & ventes ny droit d'indemnité. Ce qui n'est pas considerable dautant que la grace ou le privilege d'amortissement n'est pas reel, mais personel & attaché aux personnes en faueur desquels il a esté concedé, qui par consequent ne se peut estendre hors le cas & les personnes comprises dans les lettres d'amortissement, qui ne peuuent seruir, ainsi que Bacquet remarque au traité des droits d'amortissement ch. 46. nomb. 4. & 5. qu'aux gens de main morte qui les ont impetrées & ne peuuent profiter à autre personnes encores qu'ils soient de main morte, & de mesme condition que ceux qui les auoient obtenus comme estant du droit d'amortissement personel, & non cessible ny transmissible à autre que ceux qui l'ont impetré. Sur lequel fondement ledit Bacquet rapporte plusieurs Arrests, par lesquels il a esté iugé que les gens de main morte deuoient les droits seigneuriaux & l'indemnité des heritages par eux acquis d'autres gens de main morte, Et les Abbé & Religieux de Sainte Genevieve, ont produit vn Arrest du 2. d'Aoust 1633. donné pour le Prieur de Estienne de Chartres, contre les Minimes de la mesme ville, condamnez payer lesdits lots & ventes d'une rente fonciere par eux acquise des Religieuses de l'Abbaye de l'Eau.

Pour 3. raison les PP. Iesuites disent que le Contract par eux fait avec les PP. Benedictins, ne peut estre rapporté à vne autre espece que d'eschange parce qu'en l'e-



*Par arrest du Conseil d'Etat du 16. Mars 1647. les chanoines de St. Genevieve furent de boutés de leur demande en lots et ventes et indemnités, et Neanmoins les Iesuites furent condamnés à bailler par declaration à l'abbaye de St. Genes. le Collage de Marmoutier, place et batiments d'icelle unis à celui de clermont &c*



xecution d'iceluy on donne des maisons pour faire vn College en eschange de l'autre College: à quoy on respond premierement que l'eualuation faite à vne somme de deniers en execution de l'Arrest du Conseil & le payement du prix en consequence de ladite eualuation ne produit qu'une pure vendition & acquisition, ioint que les deniers procedez de la vendition sont encores en nature. Aussi que l'intention des Peres Iesuites n'a iamais esté de faire acquisitions de maisons ou autres immeubles, pour tenir lieu par forme de subrogation dudit College de Marmoutier, puisque au lieu de deposer la somme ordonnée par ledit Arrest, ils ont traité en particulier avec lesdits Religieux Benedictins; & ont promis leur payer & continuer quatre mil six cens liures de renterachetable de la somme de quatre-vingts dix mil liures, qui est vne veritable alienation, puis que par la Coustume le remboursement de la rente tient lieu de deniers comptans, & du prix principal.

La Nature duquel Contract ne peut pas estre changée par la stipulation de l'employ du prix de ladite vente, en maisons, qui n'a esté faite que pour la sureté des deniers d'icelle vente, ce qui se pratique mesme entre les particuliers & seculiers, lesquels achetans vn heritage stipulent souuent que l'employ de leurs deniers sera fait en acquisition d'autres heritages, par precaution, afin d'auoir vne hypoteque speciale & priuilegiée pour la garantie de l'heritage qu'ils achètent, sans neantmoins changer la nature & la qualité du Contract de vente.

En 2. lieu, vn Contract d'échange ne se peut pas faire par interualle, & doit estre parfait en vn mesme temps. C'est pourquoy le Contract fait entre les PP. Iesuites & Benedictins, ne peut pas estre appelé échange, puisque les PP. Iesuites ne baillent autre chose en contr'échange, que de l'argent dont l'employ es maisons n'est stipulé que pour l'auenir, sans aucun terme limité. Lequel employ ne sera pas fait par les PP. Iesuites, mais par les Benedictins. Ainsi ce seront deux Contracts differents passés par diuerses personnes, & en diuers temps; Au premier lesd. Benedictins sont les vendeurs, au second ce seront les acheteurs: & au premier lesdits PP. Iesuites sont les acheteurs, & au second ils ne seront ny vendeurs ny acheteurs.

Au Contract d'échange, il n'est point deu de droit de lots & ventes ny par l'un ny par l'autre desdits Contractans qui en sont également exempts, comme fondés en pareille faueur. Au fait dont il s'agit, il n'y a que les PP. Iesuites qui se pretendent exempts du droit de lots & ventes, sans qu'aucun copermutant pretende la mesme décharge. Et lors que les Religieux Benedictins employeront les quatre-vingt dix mil liures du prix de la vente dudit College, ils ne se pourront pas exempter des droits de lots & ventes & d'indemnité, ainsi que les Pp. Iesuites ont bien recogneu, en ce que par leur Contract ils se sont chargés de les acquitter desd. droits de lots & ventes, & d'indemnité, ce qui doit estre tiré à consequence cōtre eux, puis qu'il est certain qu'en Contract d'échange, l'obligation ou exemption desdits droits Seigneuriaux doit estre égale pour l'un & pour l'autre desdits Contractans.

Ce qui est allegué, que l'argent destiné pour employer en heritages, est censé de mesme qualité, n'est pas veritable, qu'aux cas particulierement specifiez en faueur des Mineurs de la Dot, & autres semblables, hors lesquels ce priuilege ne se peut étendre. C'est pourquoy la Coustume ne specifiant pas qu'en échange, l'argent destiné pour employer en heritage, doieue estre estimé immeuble, il retient sa qualité naturelle de meuble.

Pour 4. raison les Iesuites exposent que quand ledit Contract seroit vne vente, qu'ayans esté forcés il n'en seroit pas deu aucuns droits Seigneuriaux, laquelle force ne peut estre presumée auoir esté faite contre eux, puisqu'elle tourne à leur profit & auantage; s'il y en a eu, ç'a esté contre les Religieux de Marmoutier, nonobstant l'opposition desquels le Conseil a ordonné la vente dudit College de Marmoutier, pour en accroistre & augmenter celui de Clermont. Il est assez ordinaire d'obliger à vente pour l'interest public, mais inouy de contraindre d'acheter: aussi ne peut on pas dire que l'Arrest du 16. May 1641. oblige les Iesuites à acheter ledit College de Marmoutier, il est seulement porté qu'il sera vny à celui



de Clermont, en payant presẽtement argent contant par lesd. Iesuites, la somme de quatre-vingt dix mil liures ; Ce qui n'empesche pas vne necessitẽ absolue d'acheter, c'est vne simple facultẽ que le Roy leur a donẽ, sans aucune contrainte.

La forme de l'Arrest signẽ en commandement, & conceu comme s'il auoit estẽ donnẽ du propre mouuement du Roy, ne peut pas faire presumer que l'acquisition desd. PP. Iesuites, n'a pas estẽ libre. On sçait que sa Maiestdẽ ne donne point de semblables Arrests, sans que les parties interessẽes l'en ayent fait rechercher, duquel Arrest lesd. PP. Iesuites ont poursuiuy l'execution, & les sieurs d'Haligre & de Vertamont se sont transportẽs à leur requeste & priere sur les lieux, pour les mettre en possession : & en suite ils ont poursuiuy, & obtenu l'Arrest du XXI. Iuin, portant que celuy du 16. May sera executẽ nonobstant toutes oppositions, qui sont tous actes volontaires qui iustificient que les Iesuites n'ont point estẽ forcẽs.

La maxime qu'on veut establis, que dans tous les cas où la necessitẽ cause l'alienation ou la mutation, les droiẽts seigneuriaux ne sont point deus, n'est point veritable, il n'y a point de plus grande necessitẽ que la vente par decret poursuiuie par le creancier, lequel cõtẽ la volontẽ du deteur fait vendre son bien, ce qui n'empesche pas neantmoins l'ouuerture des droiẽts seigneuriaux, la mutation qui arriue par contestation est forcẽe, & neantmoins celuy qui acquiert en consequence de la confiscation ne laisse pas d'estre obligẽ aussi aux droiẽts seigneuriaux.

Le fait de la licitation entre coheritiers, pour laquelle aucuns droiẽts de lots & vente ne sont acquis aux seigneurs, n'est pas à propos. Cette exemption ou eschange n'estant pas vn effet de la vente forcẽe, mais bien de la faueur du partage entre coheritiers, pour ce qu'il n'est deu aucuns droiẽts seigneuriaux, dont la licitation est vne suite, autrement les estrangers seroient bien deschargez desdicts droiẽts seigneuriaux.

L'exemple desdites alienations des biens Ecclesiastiques en consequence de la permission du S. Pere & des Edits du Roy qui ont exemptẽ les acquereurs desdicts droiẽts seigneuriaux pour la premiere fois ne peut estre tirẽe à consequence au fait dont il s'agit. La necessitẽ publique à estẽ la cause & sujet des alienations Ecclesiastiques les Edits du Roy ont authorizẽ l'exemption des droiẽts seigneuriaux, pour la premiere fois sa Maiestdẽ vendoit à son profit & afin de tirer plus d'argent de cette vente, il a exemptẽ les acquereurs desdits droiẽts. Au fait present, le Roy ordonne simplement la vente du College de Marmoutier sans aucune necessitẽ publique & sans descharger les PP. Iesuites, acquereurs volontaires, des droiẽts de lots & ventes, & on ne peut reuoquer en doute que cettẽ vente n'a pas estẽ ordonnẽe pour interest public, parce que leur maison n'appartient point au public, ains pour celuy des PP. Iesuites, lesquels pour l'accroissement de leur College augmentent le profit qu'ils tirent de leurs Pensionnaires.

Quant à ce que disent les PP. Iesuites, que si les droiẽts de lots & ventes & indemnitez eussent estẽ deus, ils eussent appartenu cõtẽ vn simple fruiẽt au feu sieur Cardinal de la RocheFoucauld, duquel estants legataires vniuersels, la dite debte seroit demeurẽe cõtuse & einte en leur personne. Ce moyen en tout cas ne pouuoit estre cõtiderẽ que pour vn quart de lots & ventes, la moitiẽ appartenãt aux Religieux de sainte Geneuiefue à cause de leur mense Conuentuelle, de laquelle moitiẽ ils ont tousiours iouy, & l'autre moitiẽ à l'Hospital des Incurables legataires conioinctement avec les PP. Iesuites, dudit feu sieur Cardinal, & à l'egard du droiẽt d'indemnitez, qui regarde le fond, il est deu à l'Abbaye & non à l'Abbẽ, le feu sieur Cardinal n'y auoit rien, n'y par consequent les PP. Iesuites ses legataires.

*Messieurs le GRAS & BOUCHERARD Rapporteurs.*





